



**JUDICIAL SYSTEM MONITORING PROGRAMME**  
**PROGRAMA MONITORIZASAUN BA SISTEMA JUDISIÁRIU**

**Sumáriu Kazu**  
**Tribunál Distritál Suai**  
**Juñu 2016**

**A. Sumáriu prosesu julgamentu kazuiha Tribunál Distritál Suai Períodu Juñu 2016**

**1. Totál kazu ne'ebé JSMP monitoriza : 26**

<b>Tipu Kazu</b>	<b>Númeru</b>
Artigu 145 Kódigu Penál (KP) no aritgu 35 Lei Kontra Violénsia Doméstika (LKVD) - Ofensa integridade fízika simples ho natureza violénsia doméstika	7
Artigu 145 - Ofensa ba integridade fízika simples	6
Artigu 148 - Ofensa ba integridade fízika negligente	1
Artigu 178 - Aktu seksuál ho adolexente	1
Artigu 225 - Lahalotuir obrigasaun alimentar	5
Artigu 154 - Mau stratus ba kònjuje	2
Artigu 251 - Furtu Simples	1
Artigu 179 - Abuza seksuál ba ema ne'ebé la bele eziste	1
Artigu 138 - Omisidui Simples	2
<b>Totál</b>	<b>26</b>

**2. Totál desizaun ne'ebé JSMP monitoriza : 14**

<b>Tipu desizaun</b>	<b>Númeru</b>
Suspensaun ba pena prizaun tuir Artigu 68 husi Kódigu Penál	4
Pena multa tuir Artigu 67 husi Kódigu Penál	1
Omologu	8
Absolve	1
<b>Totál</b>	<b>14</b>

**3. Total kazu sira ne'ebé adia tuir JSMP nia monitorizasaun : 12**

<b>Razaun adiantu</b>	<b>Númeru</b>
lezadu la marka prezensa	1
Arguidu ho lezada la marka prezensa	4
La halo notifikasaun	1
Sei kontinua prosesu	4
Arguidu la marka prezensa	2
<b>Totál</b>	<b>12</b>

## **B. Deskripsaun ba sumáriu desizaun kazu sira**

### **1. Krime ofensa ba integridade fízika simples ho natureza violénsia doméstika**

Nú. Prosesu : 133/PEN/16/TDS  
Kompozisaun tribunál : Singulár  
Juis : Dr. Samuel da Costa Pacheko  
Ministériu Públiku : Dr. Bartolomeo de Araujo  
Defeza : Dr. Albino de Jesus Pereira  
Tipu desizaun : Pena prizaun fulan 3 suspende ba tinan 1

Iha 02 Juñu 2016, Tribunál Distritál Suai prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve arguida DT hasoru nia laen, iha Distritu Covalima.

Ministériu Públiku akuza katak, iha 20 Janeiru 2016, arguida rakut no dada lezadu hosi kadeira leten to'o monu ba rai.

Ministériu Públiku akuza, arguidu kontra artigu 145 KP kona-ba ofensa ba integridade fízika simples konjuga ho artigu 2, 3 no 35 (b) LKVD.

Iha prosesu julgamentu, arguida konfesa totalmente ba faktus iha akuzasaun. Aleinde ne'e, lezadu mós kontinua reforsa akuzasaun Ministériu Públiku no deklara katak nia perdua ona arguida.

Iha alegasaun finál, Ministériu Públiku husu Tribunál atu kondena arguida ho pena prizaun fulan 3 no suspende ba tinan 1. Ministériu Públiku husu pena refere atu eduka no preve arguida atu la repete tan ninia hahalok ne'e iha futuru.

Iha parte seluk, Defeza husu ba Tribunál atu aplika pena suspensaun ne'ebé kmaan liu ba arguida tanba foin primeira-ves komete krime no mai hatan iha Tribunál.

Depoisde avalia prosesu hotu, Tribunál konklui no kondena arguida ho pena prizaun fulan 1, suspende ba tinan 1 inklui selu kustu judisiál US\$10.00.-

### **2. Krime ofensa ba integridade fízika simples ho natureza violénsia doméstika**

Nú. Prosesu : 138/PEN/16/TDS  
Kompozisaun tribunál : Singulár  
Juis : Dr. Constáncio Barros Basmerly  
Ministériu Públiku : Dr. Bartolomeo de Araujo  
Defeza : Dr. Angelo Barreto (advogadu privadu)  
Tipu desizaun : Pena prizaun tinan 1 suspende ba tinan 3

Iha 08 Juñu 2016, Tribunál Distritál Suai prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu FL hasoru nia feen, iha Distritu Bobonaro.

Ministériu Públiku akuza katak, iha 07 Marsu 2015 arguidu basa dala 1 ba lezada nia hasan karuk no dala 1 tan iha lezada nia ibun. Aleinde ne'e arguidu mós kontinua dudu lezada monu ba meja vidru no rezulta vidru rahun no kauza lezada nia liman kanek no ran sai.

Ministériu Públiku akuza, arguidu kontra artigu 145 KP kona-ba ofensa ba integridade fízika simples konjuga ho artigu 2, 3 no 35 (b) LKVD.

Iha prosesu julgamentu, arguidu konfesa totalmente ba faktus iha akuzasaun. Nune'e mós, lezada kontinua reforsa akuzasaun Ministériu Públiku no deklara katak nia perdua ona arguidu.

Iha alegasaun finál, Ministériu Públiku husu ba Tribunál atu kondena arguidu ho pena prizaun fulan 3, suspende ba tinan 1. Ministériu Públiku husu pena refere atu eduka no prevene arguidu atu la repete tan ninia hahalok ne'e iha futuru. Iha parte seluk, Defeza husu ba Tribunál atu aplika pena suspensaun ne'ebé kmaan ba arguidu.

Depoide avalia faktu sira ne'ebé prodús durante julgamentu, Tribunál konklui prosesu ne'e no kondena arguidu ho pena prizaun tinan 1, suspende ba tinan 3 inklui selu kustu judisiál US\$25.00.-

### **3. Krime ofensa ba integridade fízika simples ho natureza violénsia doméstika**

Nú. Prosesu	: 154/PEN/16/TDS
Kompozisaun tribunál	: Singulár
Juis	: Dr. Constáncio Barros Basmerly
Ministériu Públiku	: Dr. Bartolomeo de Araujo
Defeza	: Dr. Fransisco Qaitano Martins
Tipu desizaun	: Pena prizaun fulan 3 suspende ba tinan 1

Iha 08 Juñu 2016, Tribunál Distritál Suai prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu AdC hasoru nia feen, iha Distritu Bobonaro.

Ministériu Públiku akuza katak, iha 30 Outubru 2015, iha dadersan madrugada, arguidu tuku dala 1 iha lezada nia ibun no dala 1 iha ulun, no rezulta lezada sofre moras, no ran sai hosi ibun.

Ministériu Públiku akuza arguidu kontra, artigu 145 KP kona-ba ofensa ba integridade fízika simples konjuga ho artigu 2, 3, no 35 (b) LKVD.

Iha prosesu julgamentu, arguidu konfesa totalmente ba faktus hotu iha akuzasaun. Nune'e mós, lezada kontinua reforsa akuzasaun Ministériu Públiku maibe deklara katak, nia perdua ona arguidu no agora-dadaun sira moris hamutuk hanesan feen ho laen.

Iha alegasaun finál, Ministériu Públiku husu Tribunál atu kondena arguidu ho pena prizaun fulan 3 no suspende ba tinan 2. Aliende ne'e, Defeza mós husu ba Tribunál atu aplika pena suspensaun ne'ebé kmaan ba arguidu tanba foin primeira-ves komete krime no mai hatan iha Tribunál, no kolabora di'ak ho Tribunál durante prosesu julgamentu.

Depoide avalia faktus hotu, Tribunál konklui no kondena arguidu ho pena prizaun fulan 3, suspende ba tinan 1, inklui selu kustu judisiál US\$25.00.-

#### **4. Krime ofensa ba integridade fizika simples**

Nú. Prosesu : 108/PEN/15/TDS  
Kompozisaun tribunál : Singulár  
Juis : Dra. Florencia Freitas  
Ministériu Públiku : Dr. Bartolomeo de Araujo  
Defeza : Dr. João Cortereal (advogadu privadu)  
Tipu desizaun : Omologa dezisténsia keixa

Iha 08 Juñu 2016, Tribunál Distritál Suai prezide prosesu tentativa konsiliaun ba krime ofensa ba integridade fizika simples ne'ebé envolve arguidu ML hasoru MG, iha Distritu Covalima.

Iha prosesu konsiliaun ne'e, lezadu ho konsensia rasik hakarak husu dezisténsia keixa, tanba arguidu arrepende ona nia sala. Aleinde ne'e, arguidu mós promete sei la halo tan krime hanesan iha futuru hasoru lezadu no ba ema seluk.

Antes ne'e, Ministériu Públiku akuza katak, iha loron 10 Abril 2015 kalan, bainhira lezadu lao ain atu fila ba nia uma. Wainhira to'o iha dalan klaran, derepentni arguidu tuda dala 1 iha lezadu nia liman sikun parte karuk. Aktu ne'e rezulta lezadu sofre moras no bubu iha liman sikun.

Ministériu Públiku akuza arguidu kontra, artigu 145 KP kona-ba ofensa ba integridade fizika simples ne'ebé, sei hetan pena tinan 3 iha prizaun ka multa.

Iha alegasaun finál, Ministériu Públiku no Defeza konkorda ho parte rua nia akordu dame ne'e, no husu Tribunál atu omologa prosesu refere.

Bazeia ba akordu hosi parte rua no pedidu dezisténsia hosi lezadu, Tribunál konklui no omologa akordu dame ne'e.

#### **5. Krime ofensa ba integridade fizika negligente**

Nú. Prosesu : 198/PEN/15/TDS  
Kompozisaun tribunál : Singulár  
Juis : Dra. Florencia Freitas  
Ministériu Públiku : Dr. Bartolomeo de Araujo  
Defeza : Dr. João Cortereal (advogadu privadu)  
Tipu desizaun : Omologa dezisténsia keixa

Iha 09 Juñu 2016, Tribunál Distritál Suai prezide prosesu tentativa konsiliaun ba krime ofensa ba integridade fizika negligente ne'ebé envolve arguidu AA hasoru AM, iha Distritu Covalima.

Iha prosesu konsiliaun ne'e, lezadu deklara katak nia hakarak deziste fali nia keixa, tanba arguidu arrepende ona ninia salan no promete sei la halo tan krime ne'e iha futuru tantu hasoru lezadu no/ka ba ema seluk.

Antes ne'e, Ministériu Públiku akuza katak, iha loron 18 Juñu 2015, bainhira lezadu lao hela iha to'os laran, derepente kilat musan manu-nian kona iha lezadu nini-tilun tahan no kauza nia sofre

kanek no ran sai. Iha momentu ne'eba lezadu hare arguidu lori hela kilat manu nian iha to'os sorin. Tanba ne'e lezadu hakilar kedas ba arguidu no husu tanbasa arguidu tiru nia. Mesmu nune'e, arguidu hatan ba lezadu katak nia la-tiru lezadu maibe nia tiru manu iha ai-leten.

Ministériu Públiku akuza arguidu kontra artigu 148 KP kona-ba ofensa ba intregidade fizika neglijente ne'ebé, sei hetan pena tinan ida iha prizaun ka multa.

Iha alegasaun finál, Ministériu Públiku no Defeza konkorda ho parte rua nia akordu dame ne'e, no husu Tribunál atu omologa prosesu refere.

Bazeia ba akordu hosi parte rua no pedidu dezisténsia hosi lezadu, Tribunál konklui no omologa akordu dame ne'e.

#### **6. Krime ofensa ba intregidade fizika simples**

Nú. Prosesu : 176/PEN/15/TDS  
Kompozisaun tribunál : Singulár  
Juis : Dr. Nasson Sarmiento  
Ministériu Públiku : Dr. Bartolomeo de Araujo  
Defeza : Dr. Angelo Barreto (advogadu privadu)  
Tipu desizaun : Omologa dezistéisia keixa

Iha 14 Juñu 2016, Tribunál Distritál Suai prezide tentativa konsiliaun ba krime ofensa ba integridade fízika simples ne'ebé envolve arguidu AdCN hasoru MA, iha Distritu Covalima.

Iha prosesu konsiliaun ne'e, lezadu deklara katak nia hakarak deziste fali nia-keixa, tanba arguidu arrepende ona ninia sala no husu diskulpa ona ba lezadu. Aleinde ne'e, arguidu promete sei la halo tan krime ne'e iha futuru hasoru lezadu no ba ema seluk.

Antes ne'e, Ministériu Públiku akuza arguidu kontra artigu 145 KP kona-ba ofensas ba integridade fízika simples ne'ebé, sei hetan pena prizaun to'o tinan 3 ka multa.

Iha alegasaun finál, Ministériu Públiku no Defeza konkorda ho parte sira nia akordu dame ne'e, no husu Tribunál atu omologa prosesu refere.

Bazeia ba akordu hosi parte sira no pedidu dezisténsia hosi lezadu, Tribunál konklui no omologa akordu dame ne'e.

#### **7. Krime ofensa ba integridade fízika simples**

Nú. Prosesu : 173/PEN/16/TDS  
Kompozisaun tribunál : Singulár  
Juis : Dr. Nasson Sarmiento  
Ministériu Públiku : Dr. Bartolomeo de Araujo  
Defeza : Dr. Gaspar Fereira Gusmão (advogadu privadu)  
Tipu desizaun : Pena multa US\$90.00

Iha 14 Juñu 2016, Tribunál Distritál Suai prezide leitura sentensa ba krime ofensa ba integridade fízika simples ne'ebé envolve arguidu FDS hasoru JBV, iha Distritu Covalima.

Ministériu Públiku akuza katak, iha 13 Jullu 2015, bainhira lezadu atu ba Sede Suku Debos, hodi ba haree mapa publikasaun kona-ba rai, derepentí arguidu hosi kotuk, tuku dala 1 ba lezadu nia tilun hun parte karuk no rezulta lezadu sofre moras no bubu iha lezadu nia-tilun hun.

Ministériu Públiku akuza arguidu kontra artigu 145 KP kona-ba ofensa ba integridade fízika simples ne'ebé, sei hetan pena prizaun too tinan 3 ka multa.

Iha prosesu julgamentu, arguidu konfesa totalmente ba faktus iha akuzasaun laran. Nune'e mós, lezada kontinua reforsa akuzasaun Ministériu Públiku.

Iha alegasaun finál, Ministériu Públiku husu ba Tribunál atu kondena arguidu ho pena multa US\$90.00, tanba arguidu provadu komete krime hasoru lezadu .

Iha parte seluk, Defeza husu Tribunál atu aplika pena ne'ebé justu ba arguidu, tanba foin primeira-ves komete krime no ba hatan iha Tribunál.

Depoide avalia faktus sira hotu, Tribunál konklui no afavor ba alegasaun Ministériu Públiku nian no kondena arguidu ho pena multa US\$90.00 no kada laron arguidu sei selu US\$1.00. Wainhira arguidu la-kumpri pena refere sei hetan kastigu laron 60 iha prizaun.

## **8. Krime la halo tuir obligasaun alimentár**

Nú. Prosesu	: 140/PEN/16/TDS
Kompozisaun tribunál	: Singulár
Juis	: Dr. Nasson Sarmiento
Ministériu Públiku	: Dr. Bartolomeo de Araujo
Defeza	: Dr. Fransisco Qaitano Martins
Tipu desizaun	: Omologa dezistencia keixa

Iha 17 Juñu 2016, Tribunál Distritál Suai prezide tentativa konsiliaun ba krime la halo tuir obligasaun alimentár ne'ebé envolve arguidu AS hasoru nia feen ho nia oan EL, iha Distritu Bobonaro.

Iha prosesu konsiliaun ne'e, lezada decide atu retira fali nia-keixa kontra arguidu kuandu arguidu kumpri tuir nia obligasaun hodi fó alimentasaun ba lezada ho sira nia oan. Ba tribunál lezada haktuir katak arguidu persiza fo alimentasaun ba nia ho nia oan US\$40.00 kada fulan no transfere ba lezada nia konta bankaria. Iha parte seluk arguidu mós deklara katak nia konkorda ho pedidu dame ne'e.

Antes ne'e, Ministériu Públiku akuza katak, iha 10 Dezembru 2015, arguidu diskute malu ho nia feen ne'ebé diskonfia arguidu namora fali ho feto seluk. Depoide ne'e, arguidu sai hosi uma durante tinan ida no nunka fó alimentasaun ba nia feen ho nia oan ne'ebé sei ho idade menór ka tinan 1.

Ministériu Públiku akuza, arguidu kontra artigu 225 KP kona-ba la halo tuir obligasaun alimentár ne'ebé, sei hetan pena prizaun tinan 3 ka multa.

Iha alegasaun finál, Ministériu Públiku ho Defeza konkorda ho parte sira nia akordu dame ne'e no husu ba Tribunál atu omologa prosesu refere.

Tribunál konklui no omologa akordu dame ne'e, no husu ba arguidu atu kumpri nia obrigasaun kada fulan transfere osan US\$40.00 ba lezada nia konta bankaria hodi sustenta nia oan no nesesidade seluk.

### **9. Krime aktu seksuál ho adolexente**

Nú. Prosesu : 321/PEN/15/TDS  
Kompozisaun tribunál : Singulár  
Juis : Dr. Nasson Mario Armindu Doutel Sarmiento  
Ministériu Públiku : Dr. Bartolomeo de Araujo  
Defeza : Dr. Albino de Jesus Pereira  
Tipu desizaun : Absolve

Iha 23 Juñu 2016, Tribunál Distritál Suai prezide leitura sentensa ba krime aktu seksuál ho adolexente ne'ebé envolve arguidu JMM hasoru lezada APC, iha Distritu Bobonaro.

Ministériu Públiku akuza katak, iha 20 Setembru 2015, arguidu haruka mensajen ba lezada atu hasoru malu iha lezada nia uma kotuk. Depois simu mensajen ne'e lezada aseita hodi hein arguidu no sira konkorda atu halo relasaun seksuál. Relasaun seksuál ne'e rezulta lezada sofre moras no ran sai. Faktu kona-ba ne'e anexa mós ho relatóriu médiku ne'ebé relata katak, lezada hetan kanek iha nia vagina.

Iha prosesu julgamentu, arguidu konfesa totalmente ba faktus hotu maibe arguidu deklara katak, nia ho lezada halo ralasaun seksuál ne'e ho razaun tanba sira hakarak ho hakarak. Aleinde ne'e, lezada mós deklara katak, nia ho arguidu sira nain rua halo relasaun ne'e tanba hakarak ho hakarak.

Ministériu Públiku akuza arguidu kontra artigu 178 KP kona-ba aktu seksuál ho adolexente.

Iha alegasaun finál, Ministériu Públiku husu Tribunál atu absolve arguidu hosi krime ne'e, tanba aktu la priense rekeztu iha artigu 178 husi KP tanba sira ida-idak deklara katak sira hakarak ho hakarak.

Iha parte seluk Defeza mós konkorda ho alegasaun hosi Ministériu Públiku ninian no husu Tribunál atu absolve arguidu hosi prosesu ne'e.

Depois avalia faktus sira ne'ebé produz durante julgamentu, Tribunál konklui hodi absolve arguidu hosi prosesu refere.

### **10. Krime la halo tuir obrigasaun alimentár**

Nú. Prosesu : 128/PEN/15/TDS  
Kompozisaun tribunál : Singulár

Juis : Dr. Benjamin Barros  
Ministériu Públiku : Dr. Bartolomeo de Araujo  
Defeza : Dr. Gaspar Fereira Gusmáo (advogadu Privadu)  
Tipu desizaun : Omologa dezisténsia keixa

Iha 23 Juñu 2016, Tribunál Distritál Suai prezide prosesu konsiliaun ba krime la halo tuir obrigasaun alimentár ne'ebé envolve arguidu JA hasoru lezada TT ho nia oan nain rua RAG, JBMP, iha Distritu Covalima.

Iha prosesu konsiliaun ne'e, arguidu konkorda atu kumpri nia obrigasaun alimentár ba lezada ho nia oan nain rua. Arguidu prontu atu fó alimentasaun ba lezada ho nia oan sira US\$75.00 kada fulan ne'ebé sei transfera direta ba lezada nia konta bankaria. Lezada mós konkorda ho akordu dame ne'e no husu arguidu atu kumpri nia obrigasaun refere, sei lae nia sei ba hato'o fali keixa ba Ministériu Públiku hodi halo prosesu hasoru arguidu.

Antes ne'e, Ministériu Públiku akuza katak, iha 11 Abril 2014, arguidu diskute malu ho nia feen. Depoisde ne'e arguidu sai hosi uma no hola tan fali fetu seluk, no la fó alimentasaun ba lezada durante tinan 1 ona ho nia oan nain rua ne'ebe sei ho idade menor.

Ministériu Públiku akuza, arguidu kontra artigu 225 KP kona-ba la halo tuir obrigasaun alimentár ne'ebé, sei hetan pena prizaun tinan 3 ka multa.

Tanba parte sira konkorda ho akordu dame ne'e, no lezada hakarak deziste fali keixa ne'e, nune'e Tribunál konklui no omologa akordu dame ne'e. Tribunál husu ba arguidu atu kumpri nia obrigasaun alimentár no transfere osan kada fulan US\$75.00 ba lezada nia konta bankaria, nune'e bele sustenta lezada ho nia oan nain rua.

## **11. Krime la halo tuir obrigasaun alimentár**

Nú. Prosesu : 35/PEN/15/TDS  
Kompozisaun tribunál : Singulár  
Juis : Dra. Florencia Freitas  
Ministériu Públiku : Dr. Bartolomeo de Araujo  
Defeza : Dr. João Cortereal (advogadu Privadu)  
Tipu desizaun : Omologa dezisténsia keixa

Iha 24 Juñu 2016, Tribunál Distritál Suai prezide prosesu konsiliaun ba krime la halo tuir obrigasaun alimentár ne'ebé envolve arguidu JA hasoru EdCB, iha Distritu Covalima.

Iha prosesu konsiliaun ne'e, arguidu konkorda atu kumpri nia obrigasaun alimentár kada fulan sei transfere osan US\$40.00 ba lezada nia konta bankaria atu sustenta lezada ho nia oan nain tolu. Iha parte seluk, lezada mós konkorda ho akordu dame ne'e no husu ba arguidu atu kumpri nia obrigasaun refere. Lezada deklara katak se arguidu la-kumpri nia obrigasaun tuir akordu no promesa ne'e, lezada sei hato'o fali keixa ba Ministériu Públiku hasoru arguidu.



Iha akuzasaun, Ministériu Públiku haktuir katak, iha 12 Marsu 2015, arguidu hola tan feto seluk no lakumpri nia obrigasaun atu fó alimentasaun ba lezada ho nia oan nain tolu ne'ebé sei ho idade menór.

Ministériu Públiku akuza, arguidu kontra artigu 225 KP kona-ba la halo tuir obrigasaun alimentár ne'ebé, sei hetan pena prizaun tinan 3 ka multa.

Iha alegasaun finál, Ministériu Públiku no Defeza husu tribunál atu omologa prosesu refere tanba parte sira konklui ona prosesu ne'e liuhosi akordu entre sira. Aleinde ne'e, arguidu deklara katak nia prontu atu kumpri nia obrigasaun alimentar ba lezada ho nia oan nain tolu.

Tanba parte sira iha ona akordu dame ne'e, Tribunál konklui no omologa akordu ne'e no husu ba arguidu atu kumpri nia obrigasaun tuir saida mak define ona iha akordu ne'e.

## **12. Krime ofensa ba integridade fízika simples ho natureza violénsia doméstika**

Nú. Prosesu	: 158/PEN/16/TDS
Kompozisaun tribunál	: Singulár
Juis	: Dr. Benjamin Barros
Ministériu Públiku	: Dr. Bartolomeo de Araujo
Defeza	: Dr. Fransisco Qaitano Martins
Tipu desizaun	: Pena prizaun fulan 3 suspende ba tinan 1

Iha 24 Juñu 2016, Tribunál Distritál Suai prezide leitura sentensa ba krime ofensa ba integridade fízika simples ne'ebé envolve arguidu MdN hasoru nia feen, iha Distritu Ainaro.

Ministériu Públiku akuza katak, iha 27 Feveireiru 2016, arguidu baku lezada dala 1 ho kadeira masa iha lezada nia reen-toos. Aktu ne'e, rezulta lezada sofre moras no bubu metan iha lezada nia reen-toos.

Ministériu Públiku akuza, arguidu kontra artigu 145 KP kona-ba ofensa ba integridade fízika simples konjuga ho artigu 2, 3 no 35 (b) LKVD.

Iha prosesu julgamentu, arguidu konfesa totalmente ba faktus iha akuzasaun, no deklara katak nia arrepende ona nia salan no promete sei la komete tan krime hanesan hasoru nia feen no ema seluk iha futuru. Aleinde ne'e, lezada mós kontinua reforsa akuzasaun Ministériu Públiku maibe deklara katak nia perdua ona arguidu.

Iha alegasaun finál, Ministériu Públiku husu Tribunál atu kondena arguidu ho pena prizaun fulan 6 no suspende ba tinan 1 atu eduka arguidu atu la repete tan ninia hahalok ne'e iha futuru. Entretantu Defeza, husu Tribunál atu aplika pena suspensaun ne'ebé kmaan ba arguidu tanba durante prosesu julgamentu arguidu kolabora di'ak ho Tribunál.

Depoizde avalia faktu sira hotu, Tribunál konklui no kondena arguidu ho pena prizaun fulan 6 suspende ba tinan 1.

## **13. Krime la halo tuir obrigasaun alimentár**

Nú. Prosesu : 182/PEN/16/TDS  
Kompozisaun tribunál : Singulár  
Juis : Dr.Argentino Luisa Nunes  
Ministériu Públiku : Dr. Bartolomeo de Araujo  
Defeza : Dr.Angelo Barreto (advogadu Privadu)  
Tipu desizaun : Omologa dezisténsia keixa

Iha 27 Juñu 2016, Tribunál Distritál Suai prezide prosesu konsiliaun ba krime la halo tuir obrigasaun alimentár ne'ebé envolve arguidu RdAM hasoru nia feen ho nia oan nain rua, iha Distritu Covalima.

Iha prosesu konsiliaun ne'e, arguidu deklara katak, nia konkorda atu fo alimentasaun ba lezada ho nia oan sira US\$60.00 kada fulan no osan ne'e sei transfere liuhosi lezada nia konta bankaria. Iha parte seluk, lezada mós konkorda ho arguidu nia promesa ne'e. Mesmu nune'e, lezada husu arguidu atu kumpri nia obrigasaun, se lae nia sei hato'o fali keixa ba Ministériu Públiku hodi halo prosesu hasoru arguidu.

Antes ne'e, Ministériu Públiku akuza katak, iha 10 Outubru 2015, arguidu sempre diskute malu ho nia feen. Depoisde ne'e arguidu hola fali feto seluk iha Camnasa Suai no la fó alimentasaun ba lezada ho nia oan nai rua ne'ebé sei ho idade menór durante tinan 1 nia laran ona.

Ministériu Públiku akuza arguidu kontra artigu 225 KP kona-ba la halo tuir obrigasaun alimentar ne'ebé, sei hetan pena prizaun tinan 3 ka multa.

Iha alegasaun finál, Ministériu Públiku no Defeza husu Tribunál atu omologa prosesu refere tanba parte sira iha ona akordu dame ne'e no arguidu deklara ona nia disponivel atu kumpri nia obrigasaun alimentár ba lezada ho nia oan nain rua.

Bazeia ba alegasaun hosi parte sira no akordu ne'ebé sira produz, Tribunál konklui no omologa akordu ne'e no husu ba arguidu atu kumpri nia obrigasaun tuir saida mak sira konkorda ona.

#### **14 . Krime la halo tuir obrigasaun alimentár**

Nú. Prosesu : 90/PEN/16/TDS  
Kompozisaun tribunál: Singulár  
Juis : Dr.Alvaro Maria Freitas  
Ministériu Públiku : Dr. Bartolomeo de Araujo  
Defeza : Dr.Manuel Amaral  
Tipu desizaun : Omologa dezisténsia keixa

Iha 28 Juñu 2016, Tribunál Distritál prezide prosesu konsiliaun ba krime la halo tuir obrigasaun alimentar ne'ebé envolve arguidu AS hasoru nia feen ho nia oan nain rua, iha Distritu Bobonaro.

Iha prosesu konsiliaun ne'e, arguidu deklara katak nia prontu atu kumpri nia obrigasaun alimentár no sustenta lezada ho nia oan sira kada fulan US\$60.00. Arguidu deklararak katak nia sei transfer osan ne'e ba lezada nia konta bankaria.

Iha parte seluk, lezada deklara katak, nia konkorda ho saida mak arguidu promete ona iha Tribunál nia oin no husu arguidu atu kumpri nia obrigasaun.

Iha akuzasaun, Ministériu Públiku haktuir katak, arguidu laiha servisu no abandona lezada ho nia oan sira desde iha 25 Outubru 2015, arguidu la halo tuir obrigasaun alimentár atu sustenta lezada ho nia oan nain rua ne'ebé sei ho idade menór.

Ministériu Públiku akuza arguidu kontra artigu 225 KP kona-ba la halo tuir obrigasaun alimentár ne'ebé, sei hetan pena prizaun tinan 3 ka multa.

Iha alegasaun finál, Ministériu Públiku no Defeza husu Tribunál atu omologa prosesu ne'e tanba parte sira iha ona akordu entre sira.

Depoisde avalia prosesu ne'e, Tribunál konklui no omologa akordu ne'e no husu ba arguidu atu kumpri nia obrigasaun tuir saida mak sira konkorda ona iha akordu laran.

Atu hetan informasaun kompletu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)